


# Gwybodaeth i Rieni



Ysgol Gymunedol Ponthenri,  
Heol y Pentre,  
Ponthenri,  
Llanelli  
Sir Gaerfyrddin  
SA15 5NS.  
Ffôn: 01269 860632

Math o Ysgol: Cynradd Cymunedol

E-bost: [admincgp@ysgolccc.org.uk](mailto:admincgp@ysgolccc.org.uk)

Pennaeth:	Mrs Rhian Evans
Pennaeth Cynorthwyol:	Mr Aron Davies
Cadeirydd y Llywodraethwyr:	Cyng Ian Evans
Is-Gadeirydd:	Mr T Jones

Rhif ar y gofrestr: 69

Mae'r ysgol yn rhan o Ffederasiwn mewn ardal wledig, draddodiadol Gymreig ac wedi categorio fel:  
Ysgol Cynradd Cyfrwng Cymraeg

### **GWELEDIGAETH YR YSGOL**

Creu cymuned o ddysgwyr brwdfrydig gan ddarparu'r medrau, sgiliau a'r wybodaeth angenrheidiol i fod yn aelodau gofalus a defnyddiol o'n cymdeithas gyfnewidiol. O fewn i amgylchedd hapus, sefydlog anogir y plant i fod yn ddysgwyr annibynnol.

### **CROESO I'N HYSGOL**

Mae'n bleser i ni groesawu eich plentyn i'n hysgol. Mawr obeithiwn y byddant yn hapus yma. Rydym yn awyddus i'ch cynorthwyo yn ystod taith eich plentyn trwy ein hysgol. Cofiwch ein bod ar gael i gwrdd â thrafod gyda chi unrhyw ar unrhyw adeg. Mae croeso i chi gysylltu â'r Pennaeth gydag unrhyw fater neu ymholiad:

e-bost: [rwevans@ysgolccc.org.uk](mailto:rwevans@ysgolccc.org.uk)

### **STRWYTHUR DYSGU'R YSGOL**

Staff Dysgu

Mrs Rh Evans	Pennaeth
Mr A Davies	Pennaeth Cynorthwyol ac athro dosbarth
Miss C Williams	Athrawes Cyfnod Sylfaen
Miss J Jones	Athrawes

Cynorthwywyr dysgu :- Mrs S Price, Miss M Bennett, Miss S Cooke

Swyddog gweinyddol	Mrs A Edwards
Cogyddes	Mrs W Williams
Cynorthwywyr amser cinio	Mrs S Price, Miss M Bennett, Ms AM Arndt
Swyddog Clerigol	Mrs M Rowlands

## Oriau Ysgol

Dylai'r disgyblion gyrraedd yr ysgol rhwng 8.35 a 8.45 yn y bore os nad ydynt yn manteisio ar y clwb brecwast sydd ar agor rhwng 8.00 a 8.35 bob bore. Ni ddylai plant fod ar dir yr ysgol yn gynharach na chwarter awr cyn dechrau'r diwrnod ysgol, gan na fydd yr ysgol na'r Awdurdod Addysg yn gyfrifol am ddiogelwch a lles y plant.

Apelir at rieni i sicrhau fod eu plant yn cyrraedd ysgol erbyn 8.45 y bore fan hwyraf. Pwysleisir prydlondeb yn fawr i rieni a disgyblion. Pwysleisir ar bob achlysur nad oes disgybl o'r cyfnod sylfaen i fynd adref ar ei ben ei hun.

### **Y Cyfnod Sylfaen:**

**Bore: 8:50 - 11.45y.b.**

**Prynhawn: 12.45 - 3:10 y.h.**

### **Cyfnod Allweddol 2**

**Bore: 8:50 - 11.45 y.b.**

**Prynhawn 12.45 - 3:15 y.h.**

## **DERBYNIADAU YSGOL**

Derbynnir plant ar ddechrau'r tymor pan fyddant yn dathlu eu pedwerydd pen-blwydd. Fe drefnir "Sesiynau Croeso" ar eu cyfer tuag at ddiwedd y tymor blaenorol. Croesawir rhieni yn amlwg, er mwyn rhoi cyfle i bawb cwrdd a thrafod mewn awyrgylch cartrefol. Paratoir pecyn o wybodaeth am yr ysgol i bob rhiant newydd. Polisi drws agored sydd gennym ac mae croeso i rieni gysylltu â'r ysgol ar unrhyw adeg i drafod a holi.

Mae derbyn plant i ysgol yn cael ei reoli gan Awdurdod Derbyn. Yn achos ysgolion cymunedol (ysgolion sirol gynt) ac ysgolion gwirfoddol a reolir, yr Awdurdod Derbyn yw Awdurdod Addysg Lleol Sir Gaerfyrddin. Derbynnir plant yn ddisgyblion amser-llawn ar yr adegau canlynol:-

Ym mis Medi ar gyfer plant sy'n cael eu pedwerydd pen blwydd rhwng Medi a Rhagfyr; Ym mis Ionawr ar gyfer y rheini sy'n cael eu pedwerydd pen blwydd rhwng Ionawr a Mawrth; Ym mis Ebrill ar gyfer y rheini sy'n cael eu pedwerydd pen blwydd rhwng Ebrill ac Awst.

Dylai rhieni wneud cais yn uniongyrchol i'r Awdurdod addysg gan ddefnyddio'r system ar lein yr ysgol os ydynt yn dymuno i'w plentyn gael ei dderbyn i ysgol y dalgylch. Os yw rhieni yn dymuno gwneud cais am ysgol heb fod yn y dalgylch, dylent drafod y mater gyda phennaeth yr ysgol yn gyntaf ac wedyn gwneud cais ar lein i'r Rheolwr Derbyniadau ym Mhencadlys yr Adran Dysgu Gydol Oes.

[www.sirgar.gov.uk](http://www.sirgar.gov.uk)

Gofynnir yn garedig i chi gysylltu â'r Pennaeth os ydych am esboniad mwy manwl.

### **Cyfarwyddiadau pwysig oddi wrth Gyngor Sir Caerfyrddin:**

**Bydd y Cyngor drwy'r Rheolwr Derbyniadau yn cyfarwyddo Cyrff Llywodraethol, a thrwyddynt y Pennaeth, i'w gwneud hi'n eglur i rieni pan fydd plentyn o du allan y dalgylch yn cael mynediad i'r ysgol y gall hynny gael effaith ar y trosglwyddiad i addysg uwchradd. Nid yw'n dilyn fod mynediad i ysgol gynradd yn hawlio mynediad i ysgol uwchradd y dalgylch; cyfeiriad cartref y plentyn sy'n dynodi'r ysgol uwchradd y bydd yn cael mynediad iddi. Mae adborth wrth rieni yn y Broes Apeliadau yn nodi nad yw hyn bob amser yn eglur o'r dechrau.**

## **TREFNIADAU YMWELD AC ADRODD I RIENI.**

Croesawir rhieni yn gynnes i drafod unrhyw agwedd o gwricwlwm neu gynnydd plenty. Ceir cyfleoedd megis nosweithiau agored i rieni dwywaith y flwyddyn. Yma, trafodir gwaith a chynnydd y disgyblion mewn awyrgylch iachus. Bydd cylchlythyron yr ysgol yn cynnwys manylion llawn a threfn apwyntiadau. Mae pob plentyn sydd ar ein Cofrestr Anghenion Addysg Arbennig yn derbyn Cynllun Addysg Unigol. Adolygir y cynlluniau'n dymhorol gyda chymorth a mewnbwn y rhieni.

Gweithredir strategaethau o asesu ffurfiannol a pharhaus yn ogystal ag asesu crynodol yn yr ysgol hon. Cedwir proffil o waith pob plentyn mewn ffeil unigol sy'n cynnwys enghreifftiau o waith gyda sylwadau ar gynnydd.

## **NOD AC AMCANION CYFFREDINOL YR YSGOL**

Dylai'r ysgol:

- Gwneud pob plentyn deimlo'n hapus a diogel mewn awyrgylch gartrefol.
- Roi cyfle i bob plentyn ddatblygu hyd eithaf ei allu ymhob agwedd o'r cwricwlwm.
- Gyflwyno'r addysg sy'n ystyrlon ac yn berthnasol i brofiad y disgybl yn y gymuned.
- Hybu a datblygu dwyieithrwydd a gwerthfawrogiad o Gymru a Chymreictod.
- Gynnig cyfle cyfartal i bob disgybl a magu parch tuag at amrywiaeth yr ysgol.
- Hybu cysylltiad â chydweithrediad rheini.
- Feithrin parch at eiddo ac at bersonau eraill.
- Ysgogi cysylltiad â'r gymuned.
- Bwysleisio ymddygiad, cwrteisi ac ymddangosiad.
- Feithrin athrawon ymroddgar a brwdfrydig.

## **NOD AC AMCANION Y CWRICWLWM**

Rhaid i'r cwricwlwm fod yn un sy'n:

- a) 'hybu datblygiad ysbrydol, moesol, diwylliannol, meddyliol a chorfforol y disgyblion yr ysgol a chymdeithas.
- b) Paratoi'r disgyblion hynny ar gyfer cyfleoedd, cyfrifoldebau, a phrofiadau bywyd oedolion.

Bwriedir i'r amcanion addysgol sylfaenol adlewyrchu datblygiad y plentyn drwy holl gwricwlwm yr ysgol.

- Dylid helpu plant i feithrin meddyliau bywiog ac ymchwilgar, gan gynnwys y gallu i holi a dadlau yn rhesymegol ac ymateb i dasgau.
- Creu ymwybyddiaeth a gwerthfawrogiad o gymdogaeth, iaith, diwylliant ac amgylchedd y plentyn a bod yn ymwybodol o gyfnodau a manau eraill.
- Datblygu iaith yn ei holl ffyrdd, er mwyn iddi fod yn ddull pwrpasol ac ystyriol o gyfathrebu, gan gynnwys gwrando, siarad, darllen, ysgrifennu a gwerthfawrogi llên yn y famiaith a'r ail iaith.
- Datblygu medrau a deallusrwydd mathemategol.
- Datblygu medrau a deallusrwydd gwyddonol a thechnegol mewn byd sy'n gyflym newid.
- Datblygu hunanfyneiant trwy gerddoriaeth, meim, drama, celf a dylunio a thechnoleg ac addysg gorfforol.
- Dysgu gofal wrth ddefnyddio offer a chyfarpar, e.e. Mathemateg, Gwyddoniaeth, Cerddoriaeth, Addysg Gorffol, Celf, Dylunio a Thechnoleg a.y.b.
- Meithrin arferion hunanddisgyblaeth.
- Creu ymwybyddiaeth o'r angen am lendid personol, moesgarwch a chwarteisi.
- Hybu arferion diogelwch yn yr ysgol, y cartref a'r gymdeithas.

## **DARPARIAETH Y CYFNOD SYLFAEN A'R CWRICWLWM CENEDLAETHOL**

Mae yna chwe elfen i'n cwricwlwm ar gyfer disgyblion y Cyfnod Sylfaen:

- Datblygiad Personol a Chymdeithasol, Lles ac Amrywiaeth Ddiwylliannol
- Sgiliau Iaith, Llythrennedd a Chyfathrebu.
- Datblygiad Mathemategol
- Gwybodaeth a Dealltwriaeth o'r Byd
- Datblygiad Corfforol
- Datblygiad Creadigol

Yn amlwg, gyda phlant mor ifanc, ein prif fwriad yw sicrhau bod y disgyblion yn gartrefol a chysurus gyda bywyd Ysgol. Mae'r profiadau dysgu cynnar yn gallu gosod sylfaen wych iddynt. Anelwn at ddarparu awyrgylch hapus, llawn brwdfrydedd i bawb.

Rhannwyd y Cwricwlwm Cenedlaethol i 4 Cam Allweddol:

Cyfnod Sylfaen (5 - 7 oed) a

Cyfnod Allweddol 2 (7 - 11 oed) yw'r ddau gyfnod a gyflwynir yn yr ysgol hon.

Cyflwynir Cyfnod Allweddol 3 a 4 yn y sector uwchradd.

Pynciau craidd: Cymraeg, Saesneg, Mathemateg a Gwyddoniaeth.

Pynciau sylfaen: Hanes, Daearyddiaeth, Dylunio a thechnoleg, Celf a dyluno, Addysg Gorfforol, Cerddoriaeth a Thechnoleg, Gwybodaeth a Chyfathrebu.

Rhaid hefyd addysgu Addysg Grefyddol ac Addysg Bersonol a Chymdeithasol.

Mae trosglwyddo o'r Cyfnod Sylfaen i Gyfnod allweddol 2 yn broses esmwyth tu fewn ein teulu ysgol. Mae'r staff yn gallu rhannu gwybodaeth bwysig trwy'r amser, sydd yn sicrhau cysondeb i'r plentyn.

Addysgir y Cwricwlwm Cenedlaethol yn bennaf trwy ddull thema a dull Traws Cwricwlaidd. Dewisir themâu ar gyfer yr ysgol gyfan ac fe'u cynllunnir ar gyfer pob tymor, a chynhwysir elfennau o'r meysydd pynciol yn y Cwricwlwm Cenedlaethol sy'n berthnasol i'r thema. Cedwir cofnodion o dargedau'r disgyblion, eu cyrhaeddiad ynghyd â'r lefelau a gyrhaeddwyd. Dim ond canllaw yw pob thema; nid oes yn rhaid i athro addysgu nodweddion ynghlwm â'r thema bob amser. Mae'r Fframwaith Llythrennedd a Rhifedd wedi ei integreiddio yn llawn ar draws y ddau gyfnod allweddol. Darparar ysgol addysg gyflawn yn yr holl feysydd a hefyd chaiff disgyblion ddod yn ymwybodol iawn o fywyd cymdeithasol yn yr ardal a Chymru'n gyffredinol.

### **ASESU'R CWRICWLWM CENEDLAETHOL**

Cynhelir asesiadau pwrpasol gan athrawon trwy gydol y flwyddyn. Gwneir asesiadau diwedd Cyfnod Allweddol gan athrawon yn ystod Tymor yr Haf ar gyfer Bl. 2 a 6. Yn Bl. 2, asesir y plant mewn tri phwnc, sef, Datblygiad Mathemategol, Personol a Chymdeithasol a Datblygiad Cymraeg. Yn Bl. 6, asesir y plant mewn pedwar pwnc, sef, Mathemateg, Gwyddoniaeth, Cymraeg a Saesneg. Hysbysir y rhieni o'r canlyniadau ar ddiwedd y flwyddyn ysgol fel o broses trafod cynnwys Adroddiad Blynyddol y plentyn unigol.

Mae pob dysgwr yng Nghymru o flwyddyn 2-6 yn cael profion darllen a rhifedd. Cynhelir y profion dros gyfnod o wythnos ar ddechrau mis Mai.

### **ANGHENION ADDYSG ARBENNIG**

Mae darpariaeth Anghenion Addysgol Arbennig yr ysgol yn cydymffurfio gyda chanllawiau'r Côt. Rhaid cael caniatâd y rhiant cyn gosod plentyn ar y gofrestr Addysg Arbennig. Felly, bydd yr ysgol yn cysylltu â'r cartref yn uniongyrchol. Mae cynnal deialog agored yn flaenoriaeth fawr i ni.

Ym mholisi Anghenion Addysgol Arbennig yr ysgol, darperir gwybodaeth yn ymwneud â nodau'r ysgol at blant gydag Anghenion Arbennig. Ceir disgrifiad hefyd o arferion yr ysgol i adnabod plant gydag Anghenion Addysgol Arbennig mor fuan â phosib ac i gynnig y cymorth priodol iddynt. Mae'r polisi'n disgrifio cyfnodau'r Côt Ymarfer a'i oblygiadau yn ogystal â'r trefniadau monitro ac adolygu. Trafodir hyfforddiant staff, cydweithrediad gydag asiantau arbenigol a phartneriaeth gyda rhieni. Pwysleisir bod cyfrinachedd yn holl bwysig ymhob achos. Ceir manylion ynglyn â sut mae'r ddarpariaeth yn cael ei hariannu ar sail archwiliad blynyddol a hefyd wybodaeth am y ddarpariaeth ychwanegol I blant sydd â datganiadau. Mae'r polisi Anghenion Addysgol Arbennig ar gael i unrhyw un sy'n dymuno cael copi ohono o'r ysgol. Mae'r ysgol yn cyflogi cynorthwyr dysgu sy'n cefnogi grwpiau ac unigolion o fewn y dosbarth.

## TREFNIADAU AR GYFER DERBYN DISGYBLION ANABL

Mae gan yr ysgol gynllun mynediad i'r anabl er mwyn sicrhau cyfle cyfartal. Mae'r rhan o'r adeilad yn cydymffurfio â gofynion Deddf Gwahaniaethu ar sail Anabledd. Croesewir unrhyw ddisgybl anabl i'r ysgol, a gwneir unrhyw addasiadau fydd angen er mwyn cynnig addysg gyflawn i bob unigolyn a sicrhau na fyddant yn cael eu trin yn llai ffafriol nag unrhyw ddisgybl arall. Mae'r ystafelloedd dosbarth i gyd yn hygyrch o'r Brif fynedfa.

## ADDYSG RHYW

Cyflwynir Addysg Ryw y tu mewn i'r rhaglen Addysg Iechyd yn integredig ac mewn modd sensitif sy'n rhan o thema a ddilynir. Nid yw'n cael ei ddysgu fel testun ar wahân. Yn ystod Tymor yr Haf bydd Ymwelydd Iechyd yr Ysgol yn cyflwyno'r pecyn "Addysg Ryw" i ddisgyblion Blwyddyn 6 sy'n ymdrin â'r themâu canlynol:-  
Perthynas; Newidiadau i'r Corff; Newidiadau Pellach i'r Corff;

Darparar yr ysgol addysg gyflawn yn yr holl feysydd a hefyd bydd cyfle i blant ddod yn ymwybodol iawn o fywyd cymdeithasol yn yr ardal a Chymru yn gyffredinol.

## CYSYLLTIADAU Â'R BYD BUSNES A DIWYDIANT

Mae'r ysgol yn cynnal a datblygu cysylltiadau gydag amrywiaeth o fusnesau a diwydiannau er mwyn ehangu datblygiad addysgol y plant. Gwneir pob ymdrech i ddarparu cyfleoedd unigryw ac ysgogol ar gyfer mwynhad a datblygiad y disgyblion.

## ADDYSG GREFYDDOL AC ADDOLI AR Y CYD

Rhoddir pwyslais ar y Gred Gristnogol. Yn ogystal, rydym yn dilyn gofynion CYSAG Sir Gaerfyrddin sydd yn sicrhau trafodaeth ac astudiaeth o grefyddau eraill ein byd. Cynhelir cyd-addoli dyddiol. Anogir y plant i gyfrannu yn ystod y gwasanaethau hyn. Os yw rhiant yn teimlo bod angen eithrio plentyn o'r gwasanaeth neu agwedd o Addysg Grefyddol am resymau dilys y dylent gysylltu â'r Pennaeth fel bod trefniadau gwahanol yn gallu cael ei gwneud.

## POLISI CODI TÂL

Pan fyddyn bosibl, fe fydd yr ysgol yn cynnig gweithgareddau allgyrsiol yn rhad ac am ddim i'r disgyblion. Ar brydiau ni fydd cost gweithgaredd yn gallu cael ei gynnal gan yr ysgol e.e. tripiâu addysgol. Mewn achosion fel hyn fe fydd Ffrindiau'r Ysgol yn gwneud cyfraniad tuag at y costau teithio, ac fe fydd yna ofyn am gyfraniad gwirfoddol gan y rhieni tuag at weddill cost y gweithgaredd. Os yw rhiant yn teimlo bod angen cymorth ariannol tuag at gost unrhyw weithgaredd yna y gallent fynd ar ofyn y Corff Llywodraethol ar gyfer dileu taliadau.

Ni chodir tâl am weithgareddau ysgol heblaw am yr isod:

- Teithiau addysgol, lle gofynnir am gyfraniadau gan rieni.
- Gweithgareddau allgyrsiol a drefnir gan fudiadau allanol.

## CYFLE CYFARTAL

Mae gan yr ysgol a'r Corff Llywodraethol bolisi Cydraddoldeb hiliol a chyfle cyfartal sy'n datgan y byddwn yn:

- gwrthwynebu pob math o wahaniaethau annheg, fel unigolion ac fel sefydliad, boed hwnnw'n gwahaniaethu uniongyrchol neu anuniongyrchol, ar sail rhyw, lliw, cefndir ethnig neu genedl, crefydd, anabledd, adnoddau ariannol, cefndir cymdeithasol, statws HIV, oed, golwg, gallu, iaith, barn wleidyddol, maint, statws priodasol neu dueddiad rhywiol.
- yn herio rhagfarn neu syniadau afresymol ynghylch grwpiau mewn cymdeithas ac yn ceisio meithrin goddefgarwch a pharodrwydd i dderbyn gwahaniaethau.
- yn hyrwyddo ac yn dathlu amrywiaeth mewn cymuned a thu hwnt.

- yn ceisio bod yn gymuned gynhwysol, yn ystyr ehangaf y gair.
- yn paratoui'r disgyblion ar gyfer bywyd fel oedolyn mewn cymdeithas amlddiwylliannol.

### **CHWARAEON**

Disgwylir i bob plentyn gymryd rhan yn y gwersi addysg gorfforol a chwaraeon, a hynny mewn dillad addas. Cynigir profiadau mewn amrywiaeth eang o chwaraeon er mwyn meithrin a hybu datblygiad sgiliau. Mae gan yr ysgol neuadd amlbwrpas a chae chwarae ar gyfer holl ofynion y cwricwlwm ymarfer corff.

Darperir gwersi nofio ym Mhwll Nofio'r Ganolfan Hamdden yng Nghaerfyrddin.

Mae timau o'r ysgol yn cystadlu yn erbyn timau o ysgolion eraill yng nghystadlaethau'r Cwm, Yr Urdd a hefyd er mwyn cymdeithasu a phlant o ysgolion cyfagos - mewn chwaraeon fel pêl droed, rygbi, pêl rhwyd, criced, traws gwlad. Cymerir rhan ym Mabolgampau'r Mynydd Mawr yn flynyddol. O bryd i'w gilydd defnyddir arbenigwyr i addysgu agweddau o'r pwnc - camu'n iach, rygbi, pêl-droed a dawns.

Pwysleisir bod "cymryd rhan" yn y gweithgareddau yn bwysicach na'r ennill a bod rhaid i bob unigolyn gyfrannu o'i orau glas ar bob achlysur.

### **DIOGELU PLANT**

Yn yr ysgol hon, mae iechyd, diogelwch a lles pob disgybl yn flaenoriaeth i ni. Rydym yn gwrando ar ein disgyblion, ac yn cymryd yr hyn y maent yn dweud wrthym o ddifrif. Ein bwriad yw bod plant yn mwynhau eu hamser fel disgyblion yn yr ysgol hon.

Rydym eisiau gweithio mewn partneriaeth gyda chi er mwyn helpu eich plentyn i gyrraedd ei lawn botensial a gwneud cyfraniad positif. Ein person dynodedig ar gyfer diogelu yw Mrs Rhian Evans (Pennaeth) a Mr Ian Evans (Cadeirydd y Llywodraethwyr).

Y Llywodraethwr â chyfrifoldeb am brosesau diogelu yw Mrs Kathryn Davey.

Ar achlysuron prin, bydd ein pryder am blentyn yn golygu ein bod yn cysylltu ag asiantaethau eraill cyn cysylltu â'r rhieni. Mae achosion yn codi ble mae'n rhaid i ni gysylltu ag asiantaethau eraill oherwydd pryder am blentyn. Er ein bod yn anelu at weithio mewn partneriaeth gyda rhieni, weithiau mae'n bosib bydd eithriadau i hyn pan mae pryder yn cael ei godi am amddiffyniad plentyn.

Os ydych eisiau gwybod rhagor am ein gweithdrefnau neu'r polisi, siaradwch â'r Pennaeth neu gallwch ymweld â'n gwefan.

### **DIOGELWCH YN YR YSGOL**

Mae diogelwch eich plentyn yn flaenoriaeth i ni bob dydd. Cynhelir ymarferion rhag tân yn gyson (o leiaf unwaith y tymor), fel bod y plant yn ymgysylltu â gwacau yr ysgol ar frys ac yn drefnus, mewn achos o dân neu unrhyw achos brys arall. Ceir system rybudd effeithiol yn yr adeilad.

Mae gan bob mynedfa i'r ysgol glo arbennig. Gweithredir rhain o 8.50 y bore ymlaen. Gofynnir i holl ymwelwyr alw yn y swyddfa wrth gyrraedd. Mae prif fynedfa'r ysgol yn cael ei gloi yn ystod y diwrnod ysgol. Gofynnir i ymwelwyr ganu'r gloch ac aros am aelod staff i agor y drws. Nid yw'r plant yn cael agor y drws i ymwelwyr.

Cymerir pob gofal dros ddiogelwch y plant bob amser. Mae'r athrawon ar ofalaeth yn swyddogol chwarter awr cyn sesiwn y bore hyd amser cinio. Mae'r Awdurdod Addysg yn darparu Gofalwyr Canol Dydd yn ystod yr awr ginio. Bydd yr athrawon ar ofalaeth am chwarter awr ar derfyn sesiwn y prynhawn wrth drosglwyddo'r plant i'w rhieni.

Ni chaniateir i rieni yrru eu cerbydau i mewn i faes chwarae'r ysgol. Pwysleisir nad yw'r athrawon yn gyfrifol am unrhyw ddamwain all ddigwydd i unrhyw berson neu eiddo tu allan i brif allanfeydd yr adeilad. Felly trosglwyddir cyfrifoldeb am ddiogelwch y plant i'w rhieni neu warcheidwaid wrth ddrysau'r ysgol.

Mae yna drefniadaeth diogelwch y rhyngwyd cadarn yn yr ysgol. Mae cytundeb wedi ei arwyddo gan bob disgybl ac mae Safle we y Ffederasiwn yn cynnwys adran ar e-ddiogelwchyn cynnwys polisiau a chysylltiadau defnyddiol e.e. Ceop, Thinkuknow a Kidscape i gynorthwyo rhieni.

Bydd yr heddlu lleol hefyd yn ymweld â'r ysgol yn rheolaidd i drafod materion pwrpasol gyda'r disgyblion.

### **Trefniadau Parcio Diogel yr Ysgol:**

(Yn unol ag argymhellion Swyddog Sirol dros Ddiogelwch y Ffyrdd a Heddlu Dyfed Powys)

- Pwysleisir i **BOB** gyrrwr sy'n cludo plant i'r ysgol gydymffurfio â'r rheolau canlynol:
- Rhaid gyrru'n **ARAF** bob amser;
- **NI CHANIATEIR** gyrru cerbyd i fuarth chwarae'r ysgol;
- **Ni** ddylid parcio ar hyd y llinellau melyn Igam Ogam o flaen yr ysgol.

### **CYTUNDEB CARTREF/YSGOL**

Wrth gychwyn yr ysgol caiff rhieni a disgyblion gopi o'r Cytundeb Cartref Ysgol sy'n amlinellu'r disgwyliadau sy'n ofynnol o'r rhiant, y plenty a'r ysgol. Mae angen i chwi ddarllen y ddogfen yn ofalus, trafod y cynnwys gyda'ch plenty a'i ddychwelyd i'r ysgol wedi arwyddo. Mae copi o'r cytundeb yn y pecyn 'Dechrau Ysgol'.

### **POLISI IAITH YR YSGOL**

Mae'r ysgol hon yn ysgol 'Cyfrwng Cymraeg' yn ôl diffiniad Polisi Iaith Awdurdod Addysg Sir Gaerfyrddin. Cymraeg yw unig gyfrwng y Cyfnod Sylfaen a Chyfnod Allweddol Un (3 hyd at 7 oed). Cyflwynir Saesneg yn ystod Cyfnod Allweddol 2 (7 hyd at 11 oed). Yn unol â pholisi Dwyieithog yr Awdurdod Addysg, darperir adnoddau dysgu safonol i sicrhau bod disgyblion yn medru cyfathrebu'n hawdd ar lafar ac yn ysgrifenedig yn y Gymraeg a'r Saesneg erbyn iddynt adael yr ysgol.

Ar gyfer y plant hynny a ddaw i mewn i'r ysgol heb unrhyw wybodaeth o'r Gymraeg, dyma a fydd y drefn:

Cyfnod Sylfaen : Gwneir y plant i deimlo'n gartrefol a sefydlog yn y dosbarth. Defnyddir y Saesneg lle yn addas. Cyn gynted ag y bydd y plentyn yn gartrefol yn ei amgylchedd newydd, cyflwynir y Gymraeg yn raddol iddo/iddi trwy weithgareddau ymarferol sy'n cynnwys llawer iawn o waith llafar. Addysgir y plentyn i ddarllen, i ysgrifennu ac i siarad yn Gymraeg. Bydd yr athrawes ddosbarth yn ymwybodol o ddefnyddioldeb y plentyn o'r Saesneg yn ystod y cyfnod hwn.

Blynyddoedd 3 i 6: Ar gyfer y plant hynny a ddaw i mewn i'r ysgol heb unrhyw wybodaeth o'r Gymraeg ceir cyfnod o ymgartrefu. Er addysgir y plentyn trwy gyfrwng y Saesneg ar y dechrau, cyflwynir y Gymraeg cyn gynted â phosibl, trwy weithgareddau llafar ac ymarferol. Ble yn bosib, cynigir y cyfle i'r plentyn i fynychu'r Uned Iaith yn Ysgol Y Gwendraeth am ddiwrnod yr wythnos ar gyfer cyrsiau i ddysgwyr yn yr Iaith Gymraeg.

### **TROSGLWYDDO I'R YSGOL UWCHRADD**

Mae disgyblion Ysgol Ponthenri yn ffodus gan fod ganddynt ddewis o ddwy ysgol gyfagos, sef Ysgol Maes-yr-Yrfa, Cefneithin ac Ysgol Gwendraeth, Drefach. Mae yna bartneriaeth iachus rhyngom a'r ddwy ysgol hon. Anogir rhieni i ymweld â'r ddwy ysgol wrth i'r plant nesáu at gyfnod trosglwyddo. Mae'r pennaeth ac athrawon cyfnod allweddol 2 yn rhannu trawsdoriad o weithgareddau gyda chyfeillion yr uwchradd. Maent yn cryfhau cysylltiad â dealltwriaeth rhwng y teulu addysg. Rydym hefyd yn elwa wrth ddefnyddio adnoddau ac arbenigedd y ddwy ysgol - neuadd chwaraeon, adrannau technoleg a thechnoleg gwybodaeth. Ceir ymweliadau i'n hysgol gan aelodau o staff Maes-Yr-Yrfa a Gwendraeth i drafod datblygiad ac anghenion unigol plant fel rhan o raglen trosglwyddo.



## TREFNIADAU CWYNO

Gweithredir Polisi Trefn Cwyno gan yr ysgol. Rydym yn gobeithio bod deialog a thrafodaeth agored yn gynnar yn y broses yn gallu goresgyn problemau. Beth bynnag, os oes angen, gall rhieni a gofalwyr dilyn y camau canlynol :

1. Trafod y gofid gyda'r athro / athrawes ddosbarth,
2. Gwneud apwyntiad i drafod gyda'r Pennaeth.
3. Ysgrifennu at y Pennaeth. A fydd yn hysbysu Cadeirydd Y Llywodraethwyr, Clerc Y Corff Llywodraethol a'r Awdurdod Addysg Leol.
4. Y Corff Llywodraethol yn dilyn proses statudol sydd ar gael fel rhan o Bolisi Ysgol (copi ar gael o'r swyddfa).

## MEDDYGINIAETH

Yn unol â Pholisi'r Adran addysg, mae'n ofynnol bellach i rieni wneud cais i'r Pennaeth pe bai eisiau rhoi unrhyw fath o feddyginiaeth, yn cynnwys anadlydd, i'w plentyn. Mae'r ffurflenni cais ar gael oddi wrth y Pennaeth. Darperir ar gyfer plant ag anghenion penodol megis alergedd cnau, asthma a chlefyd y siwgr.

## POLISI YMDDYGIAD YR YSGOL

Er mwyn paratoi disgyblion i dyfu i fod yn ddinasyddion da, gweithgar, cymwynasgar a pharchus mewn cymdeithas, disgwylir i bob un ymddwyn mewn modd sy'n creu awyrgylch hapus a diogel o fewn yr ysgol.

### Amcanion:

- I hyrwyddo agwedd bositif o fewn yr unigolyn tuag at yr ysgol fel cymdeithas wâr;
- I ddatblygu hunan ddisgyblaeth, parch a chydymdeimlad tuag at eraill;
- I greu awyrgylch hapus i bob disgybl yng ngweithgarwch yr ysgol oddi mewn i'r adeilad a'r tu allan a thu allan iddo.
- I gyfleu canllawiau a rheolau clir sy'n berthnasol i bob agwedd o fywyd ysgol;
- I annog pob unigolyn i gyfrannu at sefyllfa ddiogel a hapus i bawb sy'n rhan o fywyd ysgol.

### Ymddygiad da

Mae'n hynod bwysig i roi clod a chefnogaeth am ymdrech. Seilir disgyblaeth dda ar ddealltwriaeth o anghenion ein gilydd, ac mae'r ysgol yn cymeradwyo cyfraniadau plant i gynorthwyo eraill yng ngweithgarwch yr ysgol, amserau egwyl, adegau cinio ac yn y gweithgarwch allgyrsiol. Canmolwn ymddygiad da yn gyson.

### Disgwyliadau Ymddygiad:

- I ymddwyn yn weddus a moesgar;
- I ymwneud â'i gilydd mewn modd cwrtais, parchus a goddefgar;
- I ymddwyn mewn modd na fydd yn fygythiol nac yn niweidiol i eraill;
- I barchu ei eiddo ei hun ac eiddo eraill yn yr ysgol.

Anogir y plant i fod yn rhan o broses creu a chynnal rheolau yn gyson wrth i'r Cyngor Ysgol cwrdd â thrafod. Os bydd plentyn yn parhau i gam-ymddwyn, yna cysylltir â'i rieni a gwahoddir hwy i'r ysgol i drafod problemau ymddygiad y plentyn. Os gwelir plentyn yn camymddwyn mewn modd a fydd yn peryglu ei hun neu eraill, mae hawl gan y pennaeth, mewn amgylchiadau eithriadol, i wahardd y plentyn o'r ysgol. Hysbysir y rhieni, cadeirydd y Llywodraethwyr a'r Awdurdod Addysg Lleol am benderfyniad o'r math. Ceir eglurhad manwl yn ein polisi ar ymddygiad da sydd ar gael o'r swyddfa.

## YMWELIADAU'R YSGOL

Mae plant yn mwynhau ymweld â llefydd ac maent yn dysgu llawer o'u profiadau. Trefnir nifer o ymweliadau addysgiadol ynghlwm â'r gwaith a wneir yn y pynciau. Er enghraifft, ymwelir ag amgueddfeydd, orielau a safleoedd o ddiddordeb er mwyn cyfoethogi profiadau'r disgyblion.

Bydd plant B5 a B6 yn cael cyfle i dreulio pedair noson yng Ngwersyll yr Urdd, Llangrannog. Ystyrir y gweithgareddau maes yma yn gyfle i'r plant gyfnewid profiadau, dysgu byw yn annibynnol a meithrin dinasyddiaeth mewn awyrgylch sydd wedi ei seilio ar y bywyd Cymreig a Chymraeg. Gwneir pob ymdrech i roi cyfleoedd na fyddai'r plant yn profi yn eu bywydau arferol. Gwneir pob ymdrech i gadw costau mor isel ag sy'n bosibl, ond, gofynnir yn garedig am gyfraniadau bach gwirfoddol fel rheol. Hysbysir y rhieni ymlaen llaw ynglyn â manylion a chost yr ymweliad. Gofynnir hefyd am ganiatâd ysgrifenedig gan y rhieni.

Cred Corff Llywodraethol a staff yr ysgol yn gryf mewn hybu cysylltiadau clos gyda'r cymunedau sydd yn rhan o ddalgyrch yr ysgol. Rydym yn mwynhau ymweliadau lleol a chyfle i gymryd rhan ar lefel bentrefol mor aml â phosibl.

## PRESENOLDEB YR YSGOL

### **Absenoldebau gyda chaniatâd a heb ganiatâd**

Yn ddyddiol mae'r staff yn marcio'r gofrestr bob bore a bob prynhawn. Os fydd eich plentyn yn absennol ac nad ydym fel ysgol wedi derbyn gwybodaeth am natur yr absenoldeb yna fe'i cofnodir fel absenoldeb heb ganiatâd. Gofynnir ac apelir arnoch fel rhieni i gysylltu yn syth â'r ysgol naill ai trwy alwad ffôn neu e bost i roi gwybod am natur yr absenoldeb. Trwy wneud hyn fe gofnodir yr absenoldeb fel absenoldeb gyda chaniatâd.

## GWAITH CARTREF

Mae gwaith cartref yn elfen bwysig o addysg. Gwelir gwaith cartref yn fwy eang na pharhad o weithgareddau'r dosbarth - yn hytrach fe'i gwelir fel elfen a all ddatblygu ar yr hyn a addysgir yn yr ysgol. Mor fuan â phosibl, disgwylir i'r plant ddarllen yn gyson yn eu hamser eu hun er mwyn datblygu eu sgiliau darllen. Ni phwysleisir hyn fel 'gwaith cartref', gan ein bod eisiau annog teimlad o fwynhad a rhyddid i'r ymarfer, ac nid gorfodaeth.

Anogir rhieni i gefnogi nifer o elfennau addysgol y cwricwlwm. Hefyd, anogir teuluoedd i fwynhau dysgu gyda'i gilydd a chyfeillachu trwy gyd-weithio. Mae'n bwysig i annog eich plentyn, canmol yn aml yn ystod holl weithgareddau dysgu. Gosodir gwaith cartref ar lefel addas trwy'r ysgol gyfan. Mi fydd yn adlewyrchu aeddfedrwydd a gallu disgyblion wrth iddynt ddatblygu. Erbyn diwedd CA2 ( Bl. 6 ) disgwylir rhyw ddwy dasg yr wythnos. Mae hyn yn baratoad da ar gyfer bywyd ysgol uwchradd.

## CINIO YSGOL

Fe baratoir cinio ysgol yng nghegin yr ysgol bob dydd. Mae'r fwydlen yn cael ei dosbarthu i bob teulu ac fe arddangosir yn yr ysgol. Telir arian cinio i Mrs M Rowlands. Dylid talu sieciau am brydau ysgol yn enw Cyngor Sir Gaerfyrddin. Gellir gofyn am ffurflen Prydau Ysgol Am Ddim o swyddfa'r ysgol neu o'r Adran Addysg, Pibwrlwyd, Caerfyrddin. SA31 2NH. Dylid adnewyddu'r cais o leiaf 6 wythnos cyn y dyddiad terfynol. Gall y plant sydd ddim yn dymuno bwyta prydau ysgol ddod â brechdanau i'r ysgol neu fe allent fynd adref i ginio. Bwyteir prydau ysgol a brechdanau yn neuadd yr ysgol. Gorchwylir y plant yn ystod yr awr ginio gan ein tîm o gynorthwyywyr canol-dydd. Gellir manteisio ar ddod a'ch plentyn/plant i'r clwb brechwast a gynhelir yn ddyddiol yn neuadd yr ysgol rhwng 8.00 a 8.35 bob diwrnod ysgol. Mae'r clwb brechwast yn rhad ac am ddim, i ariannir gan Lywodraeth Cymru.

## DILLAD YSGOL

Mae gan yr ysgol wisg gydnabyddedig. Mae'n cynnwys crys chwys glas a chrys polo glas golau a logo'r ysgol arnynt. Gellir archebu'r dillad o'r ysgol. Rydym yn annog plant i wisgo dillad ysgol bob amser.

## **POLISI DI-FWG**

Gofynnir i bawb i barchu'r polisi hwn er mwyn gosod esiampl iach a da i'n plant. Mae holl adeiladau'r ysgol ynghyd â'r ardal allanol wedi eu clustnodi yn fannau di-fwg, ac ni chaniateir i neb ysmygu ynddynt.

## **YSGOL ECO, YSGOL IACH A DINASYDDIAETH BYD EANG**

Rydym yn falch iawn i fod yn Ysgol Eco sydd wedi derbyn y gwobr platinwm. Fel ysgol rydym yn hyrwyddo'r ffaith ein bod yn ddinasyddion byd eang a bod gennym gyfrifoldeb dros yr amgylchedd..

Rydym wedi derbyn ein pedwerydd deilen ysgolion iach am ein gwaith ar ddatblygu ymwybyddiaeth y plant o'u hiechyd personol a'u lles.

Mae'r Cyngor Ysgol wedi ei ethol yn ddemocrataidd gan y disgyblion. Maent yn cwrdd yn rheolaidd. Mae'r aelodau'n rhydd i godi unrhyw fater a chynrychioli barn eu cyfoedion mewn fforwm hollol agored.

## **FFRINDIAU'R YSGOL**

Mae'r ysgol yn hynod o ffodus bod ganddi Ffrindiau Ysgol gweithgar a chefnogol. Mae cost amryw o weithgareddau, megis ymweliadau addysgol, yn ogystal ag offer addysgol yn cael eu talu gan y Gymdeithas.

## **COFIWCH**

**OS OES GENNYCH UNRHYW BRYDERON AM ADDYSG EICH PLENTYN YNA CYSYLLTWCH  
Â MI AR UNWAITH YN YR YSGOL**

**Rhian Evans Pennaeth**